

小贈酬絕句聊申美德〔二〕

天資立族裔，早歲空門正〔止〕〔二〕。伯三七二〇

〔二〕原鈔於惠苑撰《前敦煌都毗尼藏主始平陰律伯真儀讚》末附詩《小人敢贈和尚五言詩一首》（即伯四六四〇善來《故李教授和尚讚附詩》，題擬）後。

〔二〕其下有「玄鏡是懸人懸泉之」八字，疑非詩句。

題戍樓山〔二〕

黃壘巉^崑行路難，一心遙怕鬼門關。臨津塞古此（無）人跡，不堪惆悵戍樓山。伯三七三〇

〔二〕原鈔於卷背釋門書儀及立社條約行間。

新集嚴父教〔二〕

家中所生男，常依嚴父教〔二〕。養子切須教，逢人先作小〔三〕。禮則大須學，尋思也大好。遣子避醉客，但依嚴父教。路上逢尊人〔四〕，抽身以下道〔五〕。過後卻來歸〔六〕，尋思也大好。忽逢鬪打處，但依嚴父教。饒取自然作〔七〕，叉手卻陪笑〔八〕。忍取最爲精，尋思也大好。不共爭人我〔九〕，但依嚴父教。能得幾時活〔一〇〕，不久相看老。罵詈佯不聞〔一一〕，尋思也大好。